

## **Ukuvikela miBhalo - Protection Scriptures**

**Jeremiya 1:18** Ngokuba bheka, ngikubekile namuhla ube ngumuzi obiyelweyo, nensika yensimbi, nezingange zethusi ngakulo izwe lonke, nangawo amakhosi akwaJuda nezikhulu zalo, nangakubo abapristi balo nabantu bezwe.

**Hezekeli 3:18** Lapho ngithi komubi: 'Uyakufa nokufa,' bese wungamxwayisi, ungakhulumi ukumxwayisa omubi ngendlela yakhe ukuba umsindise, yena lowo omubi uyakufela ezonweni zakhe, kepha igazi lakhe ngiyakulibiza esandleni sakho.

**Jeremiya 6:27** "Ngikubekile ukuba ube ngumhloli nenqaba phakathi kwabantu bami, wazi, uhlole indlela yabo.

**Levitikusi 26:19** Ngiyakwaphula ukuzidla kwamandla enu, ngenze izulu lenu libe njengensimbi, nomhlabathi wenu ube njengethusi.

**Duteronomi 23:5** UJehova uNkulunkulu wakho akamlalelanga nokho uBileyamu, kepha uJehova uNkulunkulu wakho waphendula isiqalekiso saba yisibusiso kuwe, ngokuba uJehova uNkulunkulu wakho wakuthanda.

**AmaRoma 12:21** Unganqotshwa ngokubi, kodwa nqoba okubi ngokuhle.

**AmaHubo 143:8** Ngizwise umusa wakho ekuseni, ngokuba ngiyethemba kuwe; ngazise indlela engifanele ukuhamba ngayo, ngokuba ngiphakamisela kuwe umphefumulo wami.

**AmaHubo 143:10** Ngifundise ukwenza intando yakho, ngokuba wena unguNkulunkulu wami; umoya wakho omuhle mawungihole emhlabathini olelezekileyo.

**AmaHubo 94:12** Jehova, ubusisiwe lowo muntu omyalayo, omfundisayo ngomthetho wakho,

**IzAga 27:12** Oqondileyo uyabona ububi, acashe, kepha abangenalwazi badlula nje, bahlupheke ngakho.

**Filipi 2:16** nibambebele ezwini lokuphila, ngize ngibe nokuzibonga ngosuku lukaKristu ngokuthi angigijimelanga ize, angisebenzelanga ize.

**Isaya 49:4** Kepha ngase ngithi mina: "Ngikhandlekele ize, amandla ami ngiwachithele okuyize nokungelutho; nokho ilungelo lami likuJehova, nomvuzo wami ukuNkulunkulu wami."

**AmaHubo 76:3** Waphula lapho imicibisholo yomnsalo, nesihlangu, nenkemba, nempi. Sela

**KumaHeberu 13:21** makaniphelelise kukho konke okuhle, ukuze nenze intando yakhe, esebenza phakathi kwethu khona lokho okuthokozisayo

**emehlweni akhe ngoJesu Kristu; makube kuye inkazimulo kuze kube phakade naphakade. Amen.**

**1 Korinte 16:15 Nginyanincenga, bazalwane, niyayazi indlu kaStefana ukuthi ingulibo lwase-Akhaya nokuthi bazimisele ukukhonza abangcwele**

**Filipi 1:27 Kuphela hambani ngokufanele ivangeli likaKristu, kuze kuthi, noma ngiza nginibona noma ngingekho, ngizwe izindaba zenu zokuthi nimi niqinile emoyeni munye, nangomphefumulo munye nilwela inkolo yevangeli,**

**1 Korinte 15:58 Ngakho-ke, bazalwane bami abathandekayo, yibani ngabagxilile, abangaxegiyo, abavame njalo emsebenzini weNkosi, nazi ukuthi ukusebenza kwenu akusilo ize eNkosini.**

**Kolose 4:12 Uyakhonza kini u-Ephrafra ongomunye wakini, inceku kaKristu Jesu, enilwela njalo emikhulekweni, ukuze nime niphelele niqinisekile entandweni yonke kaNkulunkulu.**

**2 AmaKhosi 19:34 Ngiyakuwuvikela lo muzi ukuba ngiwusindise ngenxa yami nangenxa yenceku yami uDavide.’ ”**

**Jeremiya 15:20,21 Ngiyakukwenza ukuba ube lugange lwethusi oluqinileyo kulaba bantu; bayakulwa nawe, kepha abayikukwahlula, ngokuba mina nginawe ukukusindisa nokukophula,” usho uJehova. 21 “Ngiyakukophula esandleni sababi, ngikuhlenge esandleni sabacindezeli.”**

**AmaHubo 55:18 Uyawuhlenga umphefumulo wami ngokuthula, bangasondeli kimi, ngokuba baningi abamelene nami.**

**Hezekeli 30:24 Ngiyakuqinisa izingalo zenkosi yaseBabele, ngibeke inkemba yami esandleni sayo; kepha ngiyakwaphula izingalo zikaFaro, abubule phambi kwami ngokububula kogwaziweyo.**

**IsAmbulo 3:18 ngiyakululeka ukuba uthenge kimi igolide elihlanzwe ngomlilo ukuze ucebe, nezingubo ezimhlophe ukuze wembathe, kungabonakali ihlazo lobuze bakho nomuthi wamehlo wokugcoba amehlo akho ukuba ubone.**

**1 Johane 3:17 Kepha yena onemfuyo yezwe, ebona umzalwane wakhe eswele, amvalele isihawu sakhe, uthando lukaNkulunkulu lungahlala kanjani kuye na?**

**Isaya 50:4 INkosi uJehova inginikile ulimi lwabafundi ukuba ngazi ukuvuselela oyethileyo ngamazwi ahlumelelayo; ivusa njalo indlebe yami ekuseni imihla ngemihla ukuba ngizwe njengabafundi.**

**AmaHubo 18:39 Ngaziphahlaza, zaze zahluleka ukuvuka; zawa phansi kwezinyawo zami.**

**2 Samuweli 22:40 Wangibhincisa amandla okulwa; ababengivukele wabathobisa phansi kwami.**

**AmaHubo 89:43 Futhi ubuyisele emuva usiko lwenkemba yakhe,**

**awumvumelanga ukuma ekulweni.**

**Hezekeli 13:6 Babonile okuyize nokubhula kwamanga abathi: “Kusho uJehova,” kepha uJehova kabathumanga, kodwa bethemba ukuthi ubeyakuqinisa izwi labo.**

**Levitikusi 26:37 Bayakukhubeka, omunye phezu komunye, kungathi kuphambi kwenkemba, bengaxoshwa muntu; aniyikuba namandla okuma phambi kwezitha zenu.**

**1 Korinthe 14:8 Ngokuba uma icilongo likhala ngezwi elingaqondakaliyo, ngubani oyakuzilungiselela ukulwa na?**

**Jobe 15:24 Ukuhlupheka nosizi kuyamethusa; kuyamahlula njengenkosi ezilungiselele impi,**

**1 IziKronike 12:8 KwabakwaGadi abanye bazahlukanisa baya kuDavide enqabeni ehlane, amaqhawe anamandla, abantu abazilungiselele ukulwa, abakwazi ukuphatha isihlangu nomkhonto, ababuso babo bafana nobuso bezingonyama, abanejubane njengezinsephe ezintabeni:**

**1 IziKronike 12:33,38 KuZebuloni abangaphuma impi, bayihlele impi benezikhali zonke zokulwa, yizinkulungwane ezingamashumi ayisihlanu, bezihlele nganhliziyonye. 38 Onke lawo madoda empi, angahlele impi, afika eHebroni ngezinhliziyoy ezipheleleyo ukubeka uDavide inkosi kwa-Israelayeli; nabo bonke abaseleyo bakwa-Israelayeli babenhliziyonye ukumbeka uDavide inkosi.**

**Luka 10:19 Bhekani, ngininikile igunya lokunyathela izinyoka nawofezela naphezu kwamandla onke esitha; anisoze noniwa lutho.**

**2 Korinte 7:10 Ngokuba ukudabuka okuya ngokukaNkulunkulu kuveza ukuphenduka angeziso ngakho umuntu, kube ngokusindiswa, kepha ukudabuka okuya ngokwezwe kuveza ukufa.**

**2 Timothy 2:25,26 ibalaya ngomoya omnene abamelene nayo, kumbe uNkulunkulu angabanika ukuphenduka, baze balazisise iqiniso, 26 basanguluke, baphume ogibeni lukaSathane ababanjwe nguye ukuba benze intando yakhe.**

**Nehemiya 4:15 Kwathi izitha zethu sezizwile ukuthi kwazeke kithi nokuthi uNkulunkulu wayeshafisile icebo labo, sabuyela sonke ogangeni, kwaba yilowo nalowo emsebenzini wakhe.**

**AmaHubo 73:24 Uyakungihola ngesiluleko sakho, andukuba ungamukele enkazimulweni.**